

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA**

Broj: T04 0 KT 0052189 23
Zenica, 27.09.2023. godine

**OPĆINSKOM SUDU U ZENICI
-Sudiji za prethodno saslušanje-
ZENICA**

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH, **p o d i ž e m**

O P T U Ž N I C U

Protiv:

1. **ZAIMOVIĆ KEMALA**, zvani „Moke“, rođen 2001. godine u Zenici, osuđivan Presudom Općinskog suda u Zenici od 31.05.2021. godine za krivično djelo iz člana 174. stav 1. KZ FBiH na kaznu zatvora u trajanju od jedne godine, uslovno tri godine,
2. **SPAHIĆ HARUNA**, rođen 1996. godine u Zenici, osuđivan Presudom Općinskog suda u Zenici od 21.01.2017. godine za krivično djelo iz člana 287. stav 1. tačka a) u vezi sa članom 31. KZ FBiH, na kaznu zatvora u trajanju od šest mjeseci, uslovno jedna godina,

što su:

Dana 19.02.2023. godine, oko 19,15 sati, u Zenici, u mjestu Hece, na autobuskom stajalištu koje se nalazi uz magistralni put M-17, Zaimović Kemal, pucanjem iz pištolja izazvao opasnost za život K. I. te ugrozio sigurnost istog ozbiljnom prijetnjom da će napasti na njegov život ili tijelo, na način da su,

nakon što su se dovezli iz pravca Zenice sa putničkim vozilom marke „Seat Ekseo“ kojim je upravljao Spahić Harun, na mjesto na kojem je bilo zaustavljeno putničko vozilo marke „Seat Ibiza“, vlasništvo K.I. u kojem su se u tom trenutku nalazili oštećeni K. I. na mjestu vozača i Đ.J. na zadnjem sjedištu, te zaustavili vozilo na suprotnoj traci, ispred vozila marke „Seat Ibiza“, Zaimović Kemal je izašao iz vozila sa mjesta suvozača držeći u desnoj ruci pištolj i krenuo prema K. I., pa kada se približio na jedan metar od K.I. koji je i dalje sjedio na mjestu vozača, okrenuo je pištolj u zrak i ispalio jedan metak, a potom je K.I. odmah izrekao ozbiljnu prijetnju riječima: „Hoćeš da te sad ubijem, slijedeći put kad te vidim izrokat ću te“, što je kod istog izazvalo osjećaj straha i uznemirenosti, svjestan da pucanjem iz pištolja izaziva opasnost za život K. I., te da izgovarajući navedenu ozbiljnu prijetnju ugrožava sigurnost istog, a što je i htio, a potom se okrenuo i zaputio prema vozilu iz kojeg je izašao, nakon čega je K.I.upalio vozilo i krenuo da se udalji sa lica mjesta,

da bi tada Spahić Harun, koji se za to vrijeme nalazio iza putničkog vozila „Seat Ekseo“, vršeći nasilje i naročito drsko i bezobzirno se ponašajući, nepoznatim podesnim predmetom udario u prednje vjetrobransko staklo putničkog vozila „Seat Ibiza“ načinivši oštećenja na istom, koje se uslijed tog udarca razbilo, svjestan da udaranjem u navedeno vjetrobransko staklo vrši nasilje prema drugom i drsko i bezobzirno se ponaša, te da pričinjava štetu drugome, a što je i htio, na koji način je ugrozio građanski mir K.I., te nanio štetu K. I. u iznosu od 300,00 KM,

Zaimović Kemal,

2.Dana 19.02.2023. godine, oko 19,15 sati, u Zenici, u mjestu Hece, na autobuskom stajalištu koje se nalazi uz magistralni put M-17, suprotno odredbama Zakona o nabavljanju, držanju i nošenju oružja i municije (Sl. novine ZE-DO kantona br. 9/13), bez odobrenja držao vatreno oružje-pištolj kalibra 7,65x17 mm koje je upotrijebio za učinjenje krivičnog djela iz tačke 1. optužnice, a za čije nabavljanje i držanje je potrebno odobrenje, čega je bio svjestan, a što je i htio, kada su istog dana službenici MUP-a Ze-do kantona, PU I Zenica na licu mjesta, prilikom vršenja uviđaja u vezi događaja iz tačke 1. optužnice pronašli i izuzeli jednu čahuru za koju je balističkim vještačenjem utvrđeno da potiče od metka kalibra 7,65x17 mm ispaljenog iz navedenog vatrenog oružja,

čime su:

- Zaimović Kemal pod tačkom 1. počinio krivično djelo izazivanje opće opasnosti iz člana 323. stav 1. KZ F BiH u sticaju sa krivičnim djelom ugrožavanje sigurnosti iz člana 183. stav 1. KZ F BiH i pod tačkom 2. krivično djelo iz člana 52. ZONDINOM-a, a sve u vezi sa članom 54. KZ F BiH,

- Spahić Harun pod tačkom 1. počinio krivično djelo nasilničko ponašanje iz člana 362. stav 1. KZ F BiH i krivično djelo oštećenje tuđe stvari iz člana 293. stav 1. KZ F BiH, a sve u vezi sa članom 54. KZ F BiH.